


爰居閣詩

愚見敬著







Digitized by the Internet Archive  
in 2010 with funding from  
York University Libraries





爰居閣詩卷八

長樂梁鴻志衆異

古今體詩九十五首

人日得醇士南昌書使寫詩幀賦寄

已下甲戌

一廬江海閉春寒人日書來得細看豈有小詩堪補壁  
正如裨將使登壇違時文字眞風漢衰世功名謝懶殘  
惆悵宮亭一湖水與君息壤在漁竿

乍浦

馳道流塵接浪花海雲銜雨覆漁家過車未敢吟詩句

恐有當年朱豆渣

平湖朱雅山布衣隱居乍浦除夕食豆渣賦詩人呼爲朱豆渣

超山二首

梅花如知已得一意已足茲游獨何幸散策梅所族孤  
根閱千載萬本嗟汝獨賞花動空巷佞宋趨一鵠石欄  
復鐵網愛護情殊酷遂令澹宕姿遠意受微枯來游色  
香海於法不用觸云何攀折人所見儕僮僕此花真絕  
代不解闕空谷終爲俗所憐身全神已辱

去年我來游突兀湧寶坊庭中四梅樹離立如我長綠  
萼色尤殊瞥見千迴腸再來僅隔歲無地尋殘粧空門  
有貪夫誨盜由慢藏火攻固下策熱惱得所償茶毘一  
箇僧坡語非荒唐梅花爾何罪共燼難周防何年得返

魂爲我飄暗香無言耿相憶我亦姜堯章

正月十八夜泛舟南屏山下

缺月涼雲渺靄間掠湖艇子去仍還南屏爲我破宵睡

只惜無人圖夜山

高房山夜山圖卽寫杭州諸山夜景

段合肥七十生日詩二首

鳳德何隆汗龍潛有屈伸一匡猶素抱重譯見閒身貌  
爲危時瘦心如太古春稀年天與健還冀福吾民

大道無偏黨羣兒或謗疑徙薪初不覺微管近應知憫  
亂惟疏食沈觀每劇棋從公久論政今日許絃詩

林霜杰屬題尊甫輪鐵先生單笠雙鞋團扇小象



三首

公孫文采俠兼儒晚落船官道已孤省識放翁團扇裏

始知詩外有工夫

以團扇畫象工夫在詩外放翁句也

東坡憤俗早沈泉村犬空疑笠屐仙猶有傳家詞筆在

江南今數小斜川

五世交親世所稀晚途相保莫相違知君越阜非凡馬  
我已羸驂不受鞿

余去大連三年矣黃公渚爲作爰居閣詩夢圖寫  
景殊肖詩以紀之

我出脩門歲乙丑廡下高歌賡病婦竄身荒谷始戊辰



東海蜚居疑避紂平生胸次納溟渤萬頃風濤宮一畝  
晴波搖枕度帆檣夕月喧潮春戶牖三年淹我了歲月  
四海相哀定誰某閒人忙事只稱詩詩就獨哦還自糾  
南來吳會豈初計懶與流人說陽九傷春循例且看花  
築室不還空種柳域中蹙國亡四塞燈下吟人縮雙手  
夢遊帝所亦尋常正奏鈞天賜鶉首一椽隔海關底事  
浣筆爲圖煩我友圖中觸我舊詩情獨背殘陽尋培塿  
湯貞愍公小象定之屬題

閒居安圍城老軀從止水嗟公豈徒勇志壹氣不靡當  
時賊張甚所向如突豕文臣競先竄武人皆惜死遂令

大九州七八汙賊趾使公二三輩授鉞據高壘先堅死  
綏念益以兵謀美不待曾左興燎原薪已徙惜公身早  
退欲發囊無矢一瞑豈爲名黃泉卽青史人亡遺象在  
抱膝深畫理翛然梧竹陰攝取歸筆紙公孫夙好我善  
畫繼先軌授圖徵我詩靈來試臧否

爲陳甘彩題睇嚮齋授經圖

家學尋源太乙舟曾門從昔共文游

先曾祖退庵公與  
石士先生交誼甚

篤太乙舟  
石士集名

久聞內史傳書法今見斜川與勝流世亂誰

能肯堂構孤生我亦夢松楸商瞿經訓君無忝一卷清  
芬百尺樓

雨後兆豐園看辛夷花哲維先游有詩和之

好春消息在辛夷雨過來看未後時短鬢高花爭作雪  
綠波春漲正平池吳姬歸去羞勻面楚客前游已費辭  
休說靈峯最高樹世間孤豔少人知

杭州靈隱寺辛夷一株花間最繁爲

南中冠知者絕少

游常熟白鶴峯翁文恭公墓廬遂至墓下

環堵依然不閉門

文恭被讎後居墓廬以原思環堵洎柳閉門入字廬語榜門今尙完好

故書無恙破琴存十年政地關興廢兩字編氓有怨恩

文恭嘗自書墓碣曰編管罪臣人爵不常椽筆貴國殤

翁某之墓身後復官此碣未立  
何在享堂尊紛紛競蹈開禧轍休罪韓家末代孫

夏劍丞六十生日

此老髯詩兩絕倫名高合有謗隨身梅酸消息通寒孟  
未要韓歐作解人

相攜茗坐辛園客

定

之每共春游墨謔廬

公

老去詩人槌

樣鈍尊前吳語十分淘

世說王丞相曰何乃澗劉眞長

謂作吳語劉孝標注吳人以冷

爲澗同輩中董卿語最冷峭劍丞則質直故羣以董卿語爲澗語也

違時合署牛鄰叟感事新成大禍圖觸我虛船莫嗔視  
本來非有亦非無

慢聲小筆寄風懷胡婦脂顏爲爾開一事助君無量壽

牡丹花外有輕雷

此劍丞詩中本事



龔鵲人方伯山水畫冊禮南屬題

澹靜而還見谷盈兩家五世說親情

余高叔祖九山公與方伯高祖海峯

先生婚姻又友好也海峯著澹靜齋集方伯著谷盈子

丹青未燥山河改早有傷

心畫不成

瘦杜髯蘇不可攀荔枝三百屋千間一樓袖海容枯坐

寫出成勞幾邏山

方伯自登州歸築袖海樓集詩句爲楹帖曰平生最愛說東坡日啖荔枝

三百顆天下幾人學杜甫安得廣廈千萬間一時傳誦

題陸丹林紅樹室圖卷

紅葉平生看不足最喜微陽下喬木山衙遠燒霜滿林  
老我何時居此屋眼中是處流民血雪筒當年兼笑哭

劍南家世善悲秋看朱成碧丹如綠

盧冀野屬題飲虹筵填詞圖

昨歲秣陵秋似錦倦眼看人嬾題品英英照座識盧生  
豈獨工詞兼善飲秦淮樓角幾斟酌玄武湖壖從蹕蹕  
邇來接席屢聞歌漸近自然音更審未須粉墨學王斤  
唱大江東衆先噤醉鄉坐擁蟹螯胥世事從渠狗腳朕  
醒來還續古人命秋碧梨雲一時鉞

冀野所刻曲三十種此其二也

堂祇此是新圖已覺黃梁休授枕

趙叔孺丈秋郊瘦馬圖林爾卿屬題

東坡嘗以馬喻書守駿用跛吾聞諸骨能撐肉肉沒骨

東坡論  
書語

持喻畫馬甯齟齬陳閱曹霸不可見幹惟畫肉

堪軒渠秋郊瘦馬誰所圖趙翁筆勢鷗波如經言肋細

乃良馬此祕發自龔聖予日行千里肋十五不有健筆

烏能摹斜陽沙岸影山立詩語雖俊哀有餘

龔開自題  
駿骨圖詩

一從雲霧降天關空盡先朝十二閑今日有誰憐駿骨  
斜陽沙岸影如山又言馬肋貴細而多惟千里馬多至  
十五援詩證畫畫益重趙翁寄慨非干譽兒時跳擲侍

翁硯不辨驚驥同猿狙前塵駒隙四十載更汗翁畫慚

墨猪林君姸雅眞吾徒寶此乃過千璠璣他年市駿倚

藍本老吾無用終騎驢

吳湖帆合臨元四家山水卷子

有元畫派分渭涇我聞此說由華亭朱

澤唐子民

法乳出

李郭北苑對峙雙典型四家沾漑只一董大雲所被無

畦町政如六祖有臨濟子孫紹法皆精靈世人無識強

分別此幘彼竿生聽熒山頭磐石認子久羊毛皴法歸

叔明何人解作一爐冶四美壓倒千娉婷醜籀公子有

聖手指揮衆妙供使令晴嵐一邐接雲氣秋嶺盡處寒

山青

卷中仿大癡晴嵐仲圭雲山山樵秋嶺雲林寒岫

四時山態一縑具未用

蠟屐攜巾瓶溪山半幅落誰手

文待詔云世間無北苑畫只家藏半幅溪山行

族圖也此幘

疑有枕祕新發硯一耶四耶盡佛法

釋典云四

後歸董文敏

天王各獻一鉢於佛佛以

手登鉢曰一卽四四卽一

四源題榜吾能銘



題周弢叔自莊嚴堪檢書圖

世衰道失羣詬儒書貴乃敵千琲珠以書爲市儒益賤  
鑒家往往鄰貪夫有人藏弃供自娛已與俗好酸鹹殊  
藏而不讀但插架骨董之見非吾徒周侯書眼炯如月  
一堪檢書還寫圖得毋私淑在劉向檢校敘錄陳農書  
校讐之說見別錄怨家相對言非誣異同譏正屬始事  
官私考訂聊舉隅平章舊聞洞流變頭白未必窮修途  
但羅衆本訂譌脫小儒自畫甯非迂實齋通義已絕詣  
視鄭漁仲終粗疎君能檢校異時尙兩賢所學今不孤  
櫟園

周元

林汲

周書  
盡書癖遙遙華胄知同符梨莊善

本足今逮何時儒藏容據梧一塵十架類誇富蕘翁槎  
客何用摹相期更學曹倦圃流通有約君與吾

陳意薌印譜

文三橋何雪漁鐵筆世所崇如錐畫沙銅在鎔末流徽派孰

矯枉復古六子雄浙中黃小松奚鐵生陳曼生蔣山堂盡健者繼

金冬心丁起聲隆隆溫瑩側媚兩不掩下視錢叔蓋趙次閑

猶附庸板橋變古隸作篆欲以別子承大宗孤標一幟

縱不振妙在野戰能藏鋒石如徽產殿浙派目以正軌

疑非公私淑何止一濠叟倦游閣又東洲翁同光風尙

忽一變穰翁攜叔角兩雄缶廬晚出號剛健支流獷野

吾所恫鄉人篆刻不數觀金石象玉誰能攻意薌使刀  
類使筆惟意所造斤成風印人姓字入譜錄汪啟淑踵  
周亮工期君繼此有述作不朽盛業非雕蟲

暑熱四絕句

樓居眞擬踞爐熏選夢移牀事已紛觀化早知身是幻  
等閒寒暑累知聞

乘時旱魃困疲農行雨誰煩李衛公儻借青驄憑控送  
老夫身手未龍鍾

老去剛腸久抱冰肉山寧畏火雲蒸塵球日馭終相擊  
獨樂池臺汝未能

海滋林棲未忍歸記曾伏暑御春衣招涼誰問元菟郡

卻就匡廬看落暉

時將道暑廬山

### 登廬山絕頂漢陽峯同彭醇士沈昆三

晨興不待餉言尋漢陽峯籃輿廿里強一徑如游龍延  
緣出深綠接引勞萬松遂登最高頂起我平生慵未來  
駢高危既至殊從容卻嗤古列帝不解登與封江湖爲  
洗眼雲漢爭盪胸羣山拱而侍獻客青芙蓉五老亦世  
故傴僂疑足恭太乙等自鄒此外皆邨鄙吾窮甚東坡  
二客能我從相攜望鄉國列戍仍傳烽匡君不可招蓮  
社失所宗誰能辨翼際歸去誇吳儂

相傳晴明時望漢陽可辨也



七月初三夜山中雨坐

萬族頑雲乍合圍  
四山涼雨破空飛  
料從今夜添懸瀑  
稍待來朝檢夾衣  
久旱疲農仍望穫  
放閒狂客早忘機  
吳淞秋色濃於染  
未有田園已念歸

曉發廬山得二絕句

山枕連宵厭蟋蟀  
卻拋巖宿就川途  
無人解畫梁居士  
一角秋山行旅圖

我與匡廬異主賓  
山泉清濁豈關身  
待摹小印鈴詩卷  
敷淺原頭縮手人

與林山腴別二十三年頃避蜀亂來上海有詩見

贈和答

舊京社事渺風流誰分滄桑與目謀老我名場甘退鷁  
多君心迹久盟鷗廿年何止凋雙鬢一見端令洗百憂  
來自賊中莫西顧要搜奇句答高秋

九日陰雨不出金陵豁蒙樓禊集拈雲字韻見寄  
徵詩賦呈鶴亭纓蘅碩哉哲維

一樓跂腳斷知聞遠靄寒江杳不分乍喜逢辰偏作雨  
劇憐蔽目儘爲雲

是日上  
海雨甚

新亭屢至誰能泣秋禊雖佳

世已醺欲寄篇章避旗鼓眼中諸子儻能軍

山腴出辛亥春日葦灣禊集圖卷屬再題詩

當日朱顏兩少年亂餘重見各華顛舊游息壤無多在  
燧縫攜圖覺汝賢

葦蕩詩成墨未乾過墟殘淚已汎瀾後來亦有臨河集  
誰作朝賢禊事看

懷賢思舊兩堪悲翻就圖中寫舊詩  
二十三年眞隔世錯疑身是永禪師

方密之仿米襄陽江天曉霧畫軸重審屬題

密師晚逃禪作畫多禿筆畫成輒問人若猜此何物本  
來不見畫更不知有佛禪機與畫理是二寧非一滄桑  
固多感儒釋聊通駟相攜介邱手不入漸江律此幀稱

仿米筆較襄陽質江天何處所大地初非實燈牀君卧  
看霧氣壁間出一笑謝世人拈椎還豎拂

九月十四夜叔雍約同拔可公渚冀野兆豐園看  
月至則園門鍵矣就市肆茗飲坐月久談

豔說名園晚靄中夢而不見與無同賺人車馬君何責  
餉客茶湯意未窮庭樹漸疏添夜月鬢絲全縞耐秋風  
儒酸但解論詩句評泊吳姬讓館僮

李西漚先生墨蹟遺冊亞衡屬題

蜀學久衰歇中興實始公後生一師表結契兩文忠  
胡芝路籲門二公皆與先生至契儒效通兵事詩心見素衷公孫能踵武



吾道不終窮

晚發金陵

不見棲霞寫醉顏  
眼中愁黛是鍾山  
寒林病葉菰田水  
伴我車窗晚共還

白下垂楊爾許長  
藏鴉千百作輝光  
不知飢鳳千何事  
卻爲桐花一日忙

次和袁伯夔甲戌初度

我無塵事只稱詩  
見子新篇觸舊悲  
失母每增初度感  
表哀知與古人期

君詩有蓼莪之思表哀  
詩晉孫綽喪母作也

起衰文筆輕

羣謗投老書叢了  
積疑飽飯還能鎮  
相見未妨行樂送

年涯

楊千里長余一歲去年取東坡白髮蒼顏五十三  
詩句刻紀年印余見而喜之許歲盡見貽既而  
踐約乙亥元日遂成二詩一追懷坡公一寄謝  
千里

已下乙亥

白髮不我貸蒼顏未須嫌蹉跎塵網中忽已五十三坡  
公當此時內直方清嚴金蓮送歸院制草人爭談晚途  
乃多難流落惠與僭終風復苦雨遂老蓋世髯我窮甚  
於公未老先江潭十年縮雙手萬象空一奩春衫懶重  
試吟筆退不銛公詩作我印降鑒知無慙

右懷坡公

楊侯今印人較余一歲長雕蟲出餘技片言尊息壤坡  
詩語雖雋取足終年賞在我爲方來於君成既往了無  
爭墩念寧作懷璧想遂令一拳石意重千金享疑年每  
自問容鬢真不爽詩成鈐紙尾似寫今年像來從椒盤  
側畀我荷葉掌明年更遺誰韻事吾能做

右寄汗里

正月三日微雪

分明粉碎卽虛空作弄春寒試老翁墮地旋消何待覲  
隔花能舞似因風不關冷暖人高卧乍可沉吟酒一中  
負郭元無可耕地卻隨田父盼年豐

人日寒甚許疑庵自歛來談黃山之勝

倚樓熨眼得輕陰  
旁舍梅開懶一尋  
對影自生今日意  
忍寒聊見晚年心  
閭浮終壤追持國  
文字將亡且縱吟  
有客昨攜黃嶽至  
與論松石抵登臨

黃晦聞既沒之明年題其蒹葭樓詩冊

眼中詩手嶺南黃  
別去蒹葭幾見霜  
我語安能勝黃語  
一番開卷一迴腸

教孝坊民舊有詩  
風人微旨世人疑  
無多文字供追憶

珍重囊中扇一持

君有題吳孝文事五言古詩嘗爲余書扇

惜花心事舊曾同  
好好吟成句最工  
往事已塵君宿草

城南花絮幾春風

君春風城南花詩語極哀豔



張善子屬題所畫黃山卷

張髯絕類王畸叟貌得黃山勝華山我欲相攜雲海去

送君纔發盼君還

時張有南洋之行

頭風累日得疑庵歸後寄詩有只合將心慰友生

句賦答

迴帆打鼓酒盃空人在天都夕照中梅柳橫陳占寇退  
山川自獻補詩窮熨人何止心相印琢句從知晚更工  
老我書叢親藥裏卻憑來札愈頭風

題湯定之夢仙圖

定之夢登吳興道場山雜羽流中聞呼孫太初仙去遂有此圖

人生一浮漚夢實皆塵障若言夢非真須知實亦妄吾

眠必有夢以夢爲薄相了知華胥國是我祕密藏湯君  
儒者徒真妄兩俱忘云胡睡夢中乃與羣仙抗羣仙亦  
人耳慮淨神自王何用待千年僊僊在山上說文僊長生僊去也  
仙人在山上貌莊子千歲厭世去而上僊古以僊字爲仙今仙行而僊廢矣君髯強一尺飄  
舉作仙狀樓居戀人境墨戲足供養前身兜率宮舊卧  
明離帳夢中時一至故侶勞悵望當時孫太初與君或  
酬唱君真祁孔賓久已齊得喪歸來尙有待見道寧多  
讓試訪道場山相逢問無恙

陳叟庵師挽詩

一瞑茹千痛難言是海桑未聞相司馬翻歎失歐陽畫

裏人無迹枝頭死抱香霜花終澗谷淒絕賦秋棠

澗谷一生

稀見日初花卻又值將霜宣統己酉公奉詔還朝詠秋海棠句也

舊執鰲峰業於今四十年小詩初不進過譽世爭傳社事留殘影花時斷聖緣待持河海淚負土問新阡

黃哲維屬題張大千桐廬夜泊圖軸

奇山異水天下絕此語聞自吳叔庠三年客吳不居越負此兩眼千迴腸黃生示我山水障誰歟作者蜀郡張蛾媚豔瀨不肯寫乃貌嚴瀨師清湘桐廬風景勝人物我意自昔輕嚴光披裘六月不知暑故弄狡獪非真狂釣臺插天示隱鵠正藉高躅爲名場吾鄉皋羽略解事

睇髮痛哭天蒼蒼嗟哉此局類南宋竹石未碎國待亡  
何如與子且行樂亦逢勝處姑徜徉山生寒樹水見底  
一葦共載憑君杭游魚細石入吟眼鳥鳴泉響歸奚囊  
吾詩易就不中畫子不習畫詩難量張髯槃礴近無兩  
可能畫我中心傷

雨後觀辛夷有作

辛夷猶勒一分寒及我來時尙耐看欲寫淡粧無好語  
且憑凝睇寄清歡世間何事爲芳潔春去從知有老殘  
多少吳姬勤歎賞一生明豔是愁端

將之日本哲維以中吳道中詩見寄舟出吳淞次



韻寄答

大腸殊嵯峨解纜一何陡舟移人不覺市樓却而走回  
看樹如薺不辨桃與柳船廊一佇立入海知已久滄波  
色不改嗟我早皓首吾知尙無涯一默澄萬有平生江  
海意俗眼笑衰朽覬國豈無方引鏡真自醜蒼天本不  
醉國人皆中酒救醒須及時懷哉望吾友

贈李拔可三首

一身在菰蒲乃有天下名問名爾何來出自吟詩聲卻  
去三十年聽訟花滿庭長官雜嘆喜傲吏終潔清頭禿  
坐書叢一語平衆爭園居甲吾黨掉臂看游行

廿年清淨退身老氣不孱齒冷世間人遺逸翻獵官物  
役非不勞此心殊輕安休日輒召客讀畫謀一餐風情  
蹉跎詩筋力宜歛山耆年孰辦此天意難放閒  
東坡丙子人詩好傳萬口吾生歲癸未竊比深寧叟深  
寧困而學坐見國解紐當時幾胡兒笑客縮雙手躬耕  
君有願吾亦沮溺耦不用說知津相寬姑飲酒

龔懷西師招飲不克赴有詩見及次韻奉酬

兼旬暑雨日廉纖池淥垣苔取次添忽枉佳詩風轉巔  
有如新霽月開奩傳家政學新還印薦士都堂舊設簾  
師嘗以先退庵公私印見歸政學齋主人公自號也光緒甲辰會試師爲同考官得余卷力薦不售宋制都堂

試士設內外簾  
爲後世所自助心醉恩私不能說錯疑隅坐飲厭厭

挹江門二首

萬鴉爭暝一林昏此樹婆娑儻告存埽葉風來端可待  
未須留眼挹江門

挹江門外大江橫流盡南朝尙有聲多恐降旛太更事  
因風還上石頭城

盧季野酈衡叔招集秦淮酒樓賦示同座

水閣凋殘賸此樓強持衰鈍預賓游過江文采今殊昔  
傷亂秋心散不收匹似新亭誰僇力試聽商女又清謳  
斜陽只在簾旌外休論燕雲十六州

前二十四年潘若海邀詩社同人極樂寺看海棠

繪圖徵詩余爲題三絕句今若海沒廿載矣公

子叔璣出卷索再題感賦

舊京記看慈仁松與我偕者惟尊公

辛亥歲嘗偕若海訪松慈仁寺

尊

公貌比古松格天不與壽名殊豐緊君失怙年尙童孤  
貧力禦百態攻傳家但寶襖集卷蠹不能蝕光熊熊城  
西蕭寺佛所宮花時游此吾曾同題詩未燥國改火二  
十四度更春風故人宿草已廿載不見酒面棠枝紅林  
畏剛廬曾羅公胡瘦亦黃土今年又失滄趣翁陳披攷圖

那忍更加墨比量舊句程詩功楹書未燼子能讀世間



萬事真荅通

潘若海詞稿三闕卷

翠綃封淚陳同甫斗酒渡江劉改之開拓心胸入聲律  
古來豪傑解填詞

度遼弱羽寄修椽燕子春秋定幾年地下忠魂知太息  
一生辛苦拜啼鵲

彭尺木先生郝閣頌臨本恭甫屬題

二林學佛人早歲通六藝豈惟文字好兼擅漢時隸十

碑夙把玩贊語嘗親製

先生於張遷衡方郝閣頌石門頌十碑皆有贊

惟茲析

里橋摩本獨垂世眞精初未蝕看吐長虹氣

眞精未蝕氣吐長虹

先生鄙閣頌  
贊中語也

云何青出藍想見定生慧吾聞行願品寫  
經卽布施寫碑類寫經文采傳後裔虛空能運指眞手  
本不敝何處證書禪屋漏當初霽

大連省舊居二首

行脚四天下何用蓋頂茅興來偶築屋事過還自嘲  
礪好江山棄擲輕秋毫蹙國者誰歟高位胥斗筭茲樓  
數椽耳細比芥在坳去住兩無心成壞隨所遭樓中近  
南榮一室吾所邀微吟復小睡雨晦仍風蕭一朝舍之  
去海內方滔滔棲皇固無成樓卧寧人豪國命尙如絲  
何物爲舊巢暫來不復止任汝生蓬蒿

自吾居此樓三歲不肯去何曾樓愛我聊以澄我慮南  
游果何得賃廡真自汙四年三徙家此樓遂成故茲來  
尋舊逕迷亂門前路行行忽有接見我手栽樹楓陰日  
蔽虧藤蔓不容除

去聲

數松雖偃蹇未改舊風度室中橫

一凡是我攤書處書聲久輟響海潮晚猶怒

深宵寂靜  
簾潮音耳

能熟而我更讀書與之相往  
復余庚午年樓居舊句也

蠨蛸最欺人戶庭隨意據

吾不汝瑕疵終勝荒僇住

### 七月十五日發大連海行對月

眼中溟渤日橫流來儼艤幢萬斛舟恤緯周爰終不忍  
乘桴魯叟復何求衆星俯仰如窺客一枕淒清已報秋

明月隨船知有意照人無睡過青州

八月再至大連斥去舊居將歸有述

遼海寧吾土中吳寄此翁應憐六尺影不庇數株松供  
世無蠟骨窺天有醉容歸舟在明日冥想浪千重

張修五刊陳伯平中丞奏議及詞屬題

長沙治術傳三策楚國忠言託九歌賴有陽元能輯佚  
外家文獻已無多

疏劾三公世所賢晚傷踐駑遂沈泉追論朝政兼詞旨

賜斷光宣四十年

抗疏劾三公晚傷踐鼠千鈞駑治生  
付諸弟歸贖鵝羊二頃田王王秋挽

中丞楹語也中丞嘗劾蔡乃煌朝  
貴庇之不得直鬱鬱以死故云

李穉清花影吹笙室圖卷拔可屬題穉清拔可妹也

秋人微抱向誰論不待牆蕉早斷魂頭白阿兄空愛畫

雲山何處大姚村

米友仁妹嫁大姚村有大姚村雲山圖卷

人間暫駐沈飛霞仙去還疑萼綠華並世詞人休自喜  
驕花寵柳是名家

李拔可藏林晚翠遺札裝卷屬題

晚翠學早成豈獨擅詞翰作詩似王令齒弱語殊悍才  
多識豈寡事去頭可斷惟餘一卷詩誰敢加點竄使能  
極所詣意恐光宣冠方君野狐精我則不鳴雁記君援



琴日我髮甫勝巾側聞殺朝士已發憂時歎卅年幾棋  
局每變輒召亂逃虛與醫國吾念雜冰炭石交餘一友  
寧以生死判斷斷表芳潔篋底收斷爛裝成比瓊寶不  
作耳目玩風義非所矜興亡此堪案

龔懷西師夏日居武康山有見招避暑詩頃承寫  
寄次和元韻

人與名山有舊因遠郵佳句見清新暫棲塵表神逾王  
高視寰中道未淪畏暑自憐遲結夏談詩猶記坐生春  
後堂絲竹庭前雪白髮門生老更親

十月二十八日游靈巖觀韓蘄王碑遂登天平山

看紅葉

靈巖吾昔游屈指時已更再來試山屐孤嘯答霜磬館  
娃渺何許佛火幾衰盛當前一湖碧舊是西施鏡夫差  
不料敵教戰徒有令如聞作豪語越兵小而輕廢興一  
轉眼史蹟焉用評何如陸士瑤捨宅事清淨韓王好身  
手晚節類禪定豐碑峙山麓過者知起敬懷賢更坊俗  
護碑見歌詠敢告今牧民先人善爲政  
先退庵公官江蘇布政使時防  
護韓蘄王碑墓吳人  
爲繪靈巖護碑圖

日午木瀆飯飣坐紛魚蝦飢腸易爲飽轉歎吳民奢言  
尋天平山竹輿聲咿啞報以十里夢旣至不覺遐十月

已向殘風定樹不譁紅葉尙我待餉客千株霞霜力有  
淺深醉面分等差山僧亦隨緣壞色風袈裟人生被眼  
瞞何止如霧花秋林豈干卿還以詩相誇一適了今日  
歸路隨棲鴉回看向來處萬笏爭杈枒

陳寥士見余所作辛夷花詩自寧波和韻見寄久  
乃見之奉酬一律

隔海陳寥士孤吟七字詩避人成躑躅爲我賦辛夷宛  
宛心猶在囂囂世豈知書燈最親客吾亦念兒時  
寥士兒時  
讀書窗外  
特盛詩中及之

邵潭秋寄詩卷屬爲評定書此答之

邵子豈無勇吟成雄萬夫能搜物外賞緯以腹中書詩

厄傷流輩

潭秋嘗著詩厄篇

心齋葆故吾何時得談藝庭草爲

君除

趙柏廬見余寄寥士詩次韻見懷賦答

詩手趙靈秀尋源姚武功一身棲鄧郭五字寫唐風吾

道眞孤寄相期在固窮報君簡齋語無策可平戎

來詩有平

戎籌爛熟公  
僅念危時句

挽唐有壬

憐君母老蹈危機正義無存盜有辭早有蜮窺人影過  
眞成鵬集日斜時膏蘭微抱天終妒表餌深心世未知

歲晚滄江向誰語徹泉哀淚盡交期

黃蔭亭屬題其先人詩文殘稿集冊

伐檀一集啟涪翁知子承家亦略同珠璧無多光燄在  
不矜時尙見唐風

鄉人樸學世難侔不善爲名意更幽驚倒當年藥階叟  
王通一傳已千秋冊中文中子集傳一篇謝枚如先生  
掌教致用書院時拔置第一之課藝  
也謝自號  
藥階退叟

移居五絕句

身非葛稚川亦異楊通老橫流不可安但覺移居好  
故物餘幾瓊家具一半書湯髯謂定之最工畫試寫移居



圖

徙宅不忘妻母前三子後

後山句

小婦亦靚粧伴余搔白

首

不用誓歸田不須編泊宅此豈落木庵直擬衣雲閣  
可惜此江山能消幾風雨一室勤埽除吾慙陳仲舉

卷之八  
終

三

爰居閣詩卷九

長樂梁鴻志衆異

古今體詩七十二首

和病樹典衣次韻

已下兩子

危時野殍莽難收  
酒肉朱門子所羞  
八口亦無明日計  
一寒寧爲此身謀  
雅宜績學偏書券  
藺次高名尙典裘  
我似東坡窮不死  
黑貂垂敝儻能留

爲病樹題好懷堂圖軸

故園兵火一塵無  
北去南來少定居  
泥飲從渠諡田父  
好懷聊用榜吾廬  
閒情一賦誰能喻  
豪氣平生故未除

燭下王戎應笑汝苦心那解學春鋤

次和公渚除夕祭詩

側身天地入孤危獨夜香燈自祭詩縮手成圍疑有待  
畫眉半額不時宜歲華可紀宵彌永我筆能持世未知  
頗擬勸君焚楮墨中原方倚傳修期

劍丞出示跳舞長律戲和此篇

苗俗何曾陋於今侈大同曰跳寧待月

跳月求昏舊爲苗俗

屢舞

不因風狐步綏綏見犀心宛宛通抱持先一笑

內典以相視對

笑執手抱持形交五者爲欲天五淫

縱送閱羣雄隔閼憎窮袴拘牽厭守

宮自陳雙大體相視兩春蟲入殼蠻腰細偎人菽乳豐

不冠釵亦絰未卧鬢先蓬附耳傳嬌語憑肩寫素衷趾  
移心不轉臂倦汗微融怕穩胡床坐愁聞羯鼓終夜晴  
歌寐寐新聲有名毛毛雨者燈黯意朦朧虛牝黃金賤  
迴身碧玉工更番合干莫俄頃幻韓馮舉國胡旋癖吾  
儕野祭戎詩來知喜獵髯也不冬烘

東瓶齋兼示劍丞

茶陵公子瑾瑜光能寫閒情記醉鄉幾客齊諧喧茗坐  
有人楚舞對檀郎此懷正恐見曹覺何物能消我輩狂  
說與映庵同一歎腐心還入少年場

瞿良士楊無恙招同李拔可禊集虞山先一日至



常熟紀游八首

車行達常熟虞山迎縣門瞿生

良士令嗣字旭初

挾山來笑語

何溫溫無恙既我待良士復見存小車詣誰家先指虛

郭園我友已宿草池水添淚痕當前轉塵地樓影淒黃

昏

虛郭園友人曾孟樸所居也園中有樓去年孟樸棄賓客于此

公園梅已花當窗兩三樹梅外卧晚山橫陳花不如新

亭誰所築山河今大暮忍淚談茗柯難使迷者悟壁間

楊侯字韭帖同其趣此豈辟疆園翩然來二顧

公園壁間有無

恙題字顧公雄公顧同游皆工畫

虞山之東麓石谷有舊居來青榜其門樹石蕭以疏入

門歷堂廡暝色上我裾豈惟畫理深兼使神觀娛我祖

昔乞畫爲寫淨業圖雲龕渺何許老我歌吳趨

入世祖雪圖公

明季諸生入清抗高節久遊江南與石谷稔嘗以詩乞畫石谷爲作雲龕淨業圖雲龕山名卽龍龕山在長樂南鄉之江田余祖居也詩今在家集中畫久失去余曾祖猶及見之

凌晨出北門風日好修禊言尋舊山樓主人頗好事

趙君

鈞千善書畫

書窗出所寶高邑鐵如意不待擊唾壺氣已吞

宦寺流傳一頑鐵家國此重器兇觥聞尙存待補舊時

記明高邑趙忠毅公鐵如意及卷圖藏趙鈞千家又趙文毅公兇觥則常熟鄉獻也鈞千言今藏其子姓家不輕示人此事當補入余所著兇觥歸趙始末

蕭齊破山寺名以唐詩人我來後千年入寺剛清晨宋

梅已不花唐桂猶輪囷頗疑木樨香曾與常尉親烏聲  
尙怡悅潭水無緇磷因之語楊李无恙未用愁詩貧破  
寺拔可

出寺日禺中輒往拂水巖山莊委榛莽澗愧林亦慙居  
人空巷來祓此三月三毀體固非孝祈福疑近貪喧天

鏡鉞聲萬口同喃喃劍門蓄奇景遂爲塵所函

拂水山莊舊迹

無知之者邑俗上巳日羣以香鑿鉤臂游行市中謂以報母恩也是日會者萬人皆集於拂水巖

登舟捨輿轎快若得水鳧主人餉珍羞船尾攜行廚櫓

搖背吾谷溪漲連尙湖好風亦隨船與客不作疏臙舟

弔東澗酌酒傷蘼蕪死生細事耳高韻今則無

舟行謁錢牧齋

及河東  
君墓

鵠峯故相塚一廬署瓶隱逐臣此思過閉門有幽憤前  
車侈孤注來者幾覆軫堂堂黃壤人舊事堪一哂迴舟  
念邊警感歎情難忍珍重別瞿楊重遊待櫻筍  
後遂就  
歸途  
詣翁文  
恭墓廬

贈子言

照座蒼顏病臂翁老來詩譽滿江東人間貧富渾閒事  
不見堂花一瞬紅

觚齋

俞恪  
士

不起北山

吳彥  
復

亡師友凋零子所傷太息俞

吳俱厚我廿年思舊幾迴腸

雨後兆豐園辛夷

年年惆悵爲辛夷百歲知消幾許癡百歲用癡知幾許荆公句風雨  
何曾貸殊麗芳菲原未管相思好春豈共妍華盡斜日  
平添晚晚悲我自鬢霜花雪色慰情休恨不同時

重游雁蕩林笠士贈詩次和

亂餘何地覓邱園只有山游夢屢溫石骨解從閒處傲  
泉聲猶作昔年喧我無能事何妨老子有新詩喜見存  
不飯胡麻吾亦飽赤城霞色未須論擬遊天台不果

中折瀑

圓嶂如覆盂上以天爲當一潭貯其內鏡影涵天光飛



泉倒瓶水瀉人潭中央有如千琲珠韻以萬籟簧何人  
弄狡獪花雨沾我裳舉頭不見瀑映日成虹梁

石門潭

蔣叔南  
自沈處

水色不厭綠此潭兼綠淨束之以兩山波澄湍不競無  
言閤人鬢閔默見水性綠波如靜女白髮與相映蔣侯  
泉下人平日酒爲命自沈真獨醒靈均吾所敬

顯勝門

兩峯如排衙鞠躬自門入循崖勃窣行石勢真谿刻飛  
湫空際來界破青山色嗟我塵土人置身水精域雨來  
磴愈滑四顧天如墨勝處失題名章惇笑蘇軾

散水巖

驚人馬家嶺跋涉非所嫌輿行五十里酬我散水巖披  
拂固多態清綺還相兼何來長鬣人風際飄霜髯我今  
久平視老眼殊不廉泉流自駘宕客意終清嚴

大雨自西石梁至大龍湫

昨游晴朗今不復急雨千巖雲萬族珠璣織作筍輿簾  
襟上泉流髮如沐石梁之瀑勢雖武似較前游差畏縮  
斬新亭子不知名眼界殊寬人意足龍湫宴坐舊有亭  
位置雖佳今久覆一龍樓壑亦初成苦恨深簷蔽人目  
西石梁新築亭子看泉最佳大龍湫宴坐亭久圯新築一樓曰龍壑殊不宜眺望也看山所得各

深淺論事何須爭雅俗我衣燥濕已全忘自拄枯藤且  
觀瀑

紹興

鳴蛙不怒水聲哀越國山川少霸才欲上稽山呼二朗  
酒魂隨我渡江來

張宗觀朗屋朱士稚  
朗詣號山陰二朗

賈秋壑花下琴峯石刻拓本爲葉譽虎題

半間堂址久榛蕪誰分猶留石一株刻意和戎誇破虜  
莫將酖毒罪西湖

游博兒郎裙帶官等閒斷送好江山木棉庵外花如錦  
欲聽琴聲可是難

會人題詩卷  
還庵媚古恣旁搜靈鷲題名試更求  
杭州雲林寺前山  
洞中有賈秋壑題  
名  
依樣葫蘆畫南渡祇宜閒看莫分憂

題黃公渚碧慮商歌圖卷

摩空辭賦鼎可扛江夏之黃乃無雙書囊無底屋瓴水  
閉戶十年守寒釭問年今歲未四十徐出一語折衆囒  
小詞脫手亦秀絕欲喚姜夔評二窗君家有石名碧慮  
度以爲繆容汝倨韓陵可語石不解筆下商聲倏來去  
親年多喜弟持家只惜無妻供鬪茶鯨魚莫使眠食損  
好攝溪山歸畫本

袁帥南齋中杜鵑花盛開沈劍知作圖使余題句

知汝前身是子規分明啼血在花枝  
遼天蜀道何差別  
故國餘春不忍思

沈郎早證畫家禪紙上春心託杜鵑  
輸與瓶花齋裏客  
爲花熏沐伴花眠

閏三月二十七日同李拔可至諸貞長墓下時大  
至閣詩初印成也

故人逝矣今五霜李侯百迴懷舊腸  
當時臨穴各搢淚  
再來榆柳如許長停車何用待腹痛  
便斟斗酒知難嘗  
詩人題碣衆已駭誰念黃土埋書囊  
君詩三百足傳後  
悉屏柔脆存堅剛相知定文貴精審  
持以永子吾非狂



大慙大好世不解賞音目論真相妨魂來喻此我何憾  
神縱能滅詩不亡

和寥士餞春

事去元無淚可揮見君詩句念春歸雜花江國還依樹  
虜騎長城又合圍燭武了知非壯歲玉谿空復戀斜暉  
山河自賤羣兒貴付與流鶯說是非

湯定之贈余墨梅十幀題者九人殿以二絕

平生不得梅花力北省官居笑簡齋老去江南耐風雪  
故人驅使暗香來

湯髯十幅寫南枝刻畫還勞九友詩此亦千金紈扇冊

慰人蕭寂伴人癡

上巳日李釋戡禊集秦淮未赴分在字韻

滿眼新亭無定在誰與秦淮盪瑕穢投鞭揮扇此江山  
只合羣兒供博塞將軍垂老歛猿臂俗眼從渠出牛背  
詩成寄與當流觴我自懶眠非襍襪

黃公渚屬題嘉道諸賢致葉小庾太守詩詞合冊

吾鄉葉毅庵宮詹七子皆掇科第小庾太守其  
季也先退庵公與七葉皆文字交於太守尤親  
又申以昏姻太  
守卒公銘其墓

宮詹季子河南守天籟軒中本事詞早以縑緗爲世業  
頗聞縞紵盛當時不多鄉獻今垂絕能葺叢殘世已嗤

紙尾小詩非漫署兩家四世此交期

沈劍知所居池荷有三蒂並花者商笙伯爲作秋  
池粲影圖沈屬題句

沈郎眼亂水芝花畫手描成意更誇勸酒爲歌三婦豔  
尋春不數四娘家聚頭何止峨雙髻獻粲真看共一車  
來歲花時會邀我與君池畔話茶瓜

徐丹父屬題其先德鐵孫先生詩縣令圖卷

絕代雷塘叟憐才見肺肝傳詩蘇玉局執贄屈翁山乍  
可吟千首何曾腐一官照人萇碧在忠愛出儒酸

磐石吾家舊開潭涕滿膺始知詩縣令及見老中丞郡

傳看來去靈旗儻式憑

道光丙午先生攝守溫州見卷中先退庵公題句明年丁未先

敬叔公繼守溫州蓋踵先生之後

公孫能媚古吟事得傳燈

### 有贈

踏歌聲裏日相尋苦茗明燈見此心  
願我自憐非少壯爲君時復一沈吟  
往無可諫風吹夢事有難言淚滿襟  
莫倚瑤琴傷寡和好從人海覓知音

### 輓高夢旦

三高眞似三峯峻劬學長年最白眉  
我已澄觀泯新舊君能冥想化神奇  
山河已破遑傷逝肺腑無言莫咎醫  
雪竇前游五年事彌天今見蓋棺時

段合肥公輓詩三首

嬾代論人傑清剛實首公  
律身真淡泊謀國獨公忠  
聞位排羣議收京仰大雄  
蹉跎見麟獲吾道豈終窮  
甲子開元會聲光滿大千  
斗杓曾自幹日轂忽中遷  
曲突非無驗方穿或未便  
私慚帷幄智獨對遂經年  
傷亂惟祈死言公不及私  
遺箴入功德但化四威儀  
薄海來陳饋彌天見偃旗  
山頽我安仰淚盡蓋棺時

萬緣

萬緣非幻更非真  
過眼誰分果與因  
一念愛才憑鑄錯  
憐渠機事亦緣貧  
世情久似曹騰霧  
我意常存浩蕩春



不用旁觀妄評泊早將平等視冤親

弘一法師修葺唐詩人韓偓墓作詩寄之

冬郎吾輩人邈然千載上其詩我所熟深婉空倚傍雖  
懷經世志屢讓危時相虎鬚曾手捋報國意殊壯崎嶇  
入閩海身死遂留葬不知遺篋中蠟淚果何狀萬山餘  
一壟過者哀鬼唱法師偏好事修復寄徵尙人生貴忠  
義儒釋同所向獨憐今士夫懷賢如畏謗何年返鄉國  
一叩詩人藏更欲尋法師懺吾文字障

舊府

雪後燕郊草不青東城甲第晝冥冥蒲盧暗長籌邊筆

苔蘚橫侵議政廳  
海涸更無龍起蟄  
庭空惟見鶴梳翎  
當時八表經營地  
負手看天淚雨零

故居

磨滅華年此最多  
眼明重見舊槃過  
書聲定有鄰人記  
車轍曾勞長者過  
世法易生三宿戀  
家風無改五噫歌  
余自辛未客吳今六載矣  
南榮奉母知難再  
惜往傷今鬢更皤

十一月初三夜自浦口渡江

車過寒江雨益零  
層陰不見蔣山青  
秦雲久作驕陽色  
沈醉南朝未肯醒

丙子初度

年時臣壯不如人老矣寧須述我辰問客何能空霸越  
與人無忤亦逃秦移山填海知何日帶水拖泥惜此身  
却笑東坡飽憂畏晚途猶自說知津

便合與官充水手  
此生何止略知津

東坡詩也余  
極喜誦之

### 臺城

健兒縛虎一軍驚聞煞江南百萬兵蕭衍平生寵侯景  
可知人世有臺城

白髮蒼顏五十三余去歲紀年印也今歲以貽陳

匪石頃陳自金陵以詞寄余紀其事賦詩奉會

世事元無住吾生亦自浮歲華從轉轂詩印似傳郵以

我徂年感添君驗鬢愁新詞翦江至中有秣陵秋

寒更

寒更向盡月趨西轉枕無言意自悽往夢已隨瓶墜并  
好懷渾擬絮沾泥憶時畢竟多於恨悟後安知更不迷  
誰遣項王甘一死短歌能和有虞兮

適讀項羽本紀

周梅泉以李晴江畫菊見貽索詩爲報

梅泉齋壁晴江菊曾入寒家書畫匳換取吾詩勝看畫  
知君風韻過陶潛

幅中有先退庵公印記

年時菊影瘦於人照海花光久作塵觸我閒情還惜逝  
擬從圖上喚眞眞

朱椒堂先生乙丑同年雅集圖象甫屬題

咏華小舫椒堂叟通籍之年歲乙丑同時釋褐二百人

各藉巍科起朝右

嘉慶十年乙丑科進士二百三十三人

此圖落落廿人

耳卯歲盍簪事非苟

圖作於道光十一年辛卯椒堂時年六十一

劫餘彭記

未成灰

彭春農學士邦疇

得就圖中辨誰某椒堂先生我世舊

晚總倉場覘所守卽論學術亦驚人金石詞章世無偶

桐城道州皆達宦

姚伯昂總憲元之何仙槎尙書凌漢

竹葉雲腴眞益友

久相雖輸鶴舫翁

謂圖中鶴舫相國穆彰阿

自有令名兼壽耆北平

徐公學尤邃

徐星伯觀察松

持較姚何色無忤注西域傳考唐

京史蹟在胸書在手披圖發我思古情維此四賢吾儔



首乃知科第以人重負科第人十八九市朝幾易圖幸  
存數典不忘吾所取寶茲畫象勝凌煙豈類告身資換  
酒

題朱建卿學博夢梅圖

詩人奇句出冥搜夢裏空花紙上收事過百年真亦夢

舊時月色在羅浮

學博夢至一境梅花盛開得句云盤空硬語如梅花姚伯昂爲之圖

吾祖留題九十年

先退庵公道光丙午年曾題字卷端未及作詩也

我今加墨

更懷賢閒居冷卻和羹夢對影聞香一惘然

樓晚

綈袍煖老不成寒凍雨飄空歲又闌判與世疎辭漸寡

分無人憶噓應難破眠車響時穿枕報暝燈光正上竿  
不爲陰晴輕拭眼晚來何用數憑欄

釋戡哲維各和樓晚詩余復次答

約與燈檠保歲寒更隨書卷共更闌潔身自竄吾寧忍  
反手圖強事豈難收拾閒情歸鳳紙料量生計問漁竿  
哀時無限微茫意不爲傷春始倚欄

葉譽虎將以焦山詩僧借庵藏石畫卷還定慧寺

屬余作詩

光緒十九年癸巳江建霞京卿  
曾購此卷還焦山今又佚出矣

節庵繼阮規書藏

謂儀徵相國及  
梁節庵廉訪

退庵踵江建霞京卿收石

卷焦巖檀越兩番禺以卷還山我親見借庵昔以禪喻

詩我讀其詩類冰霰誰知好詩兼愛石遠與米顛同所  
戀遐庵劬書遂禪理見畫何殊窺石面畫存遑問石有  
無一切世間均露電還石山房我未至還卷終須閱禪  
院好憑畫本待真龍匹似新巢歸舊燕吾祖曾還石淙  
帶手付借庵同紀甌道光九年己丑先退庵公官江蘇  
時贖明丹徒楊文襄公玉帶仍還  
焦山付詩僧借庵宇之程序伯爲繪焦山還帶圖自爲之記祇今過客恣傳觀誰識  
楊梁並邦彥君今還卷世更衰僧父橫行文字賤詩僧  
掌故待指撐期與鶴銘同不變

爲林厚甫題孔撝約太史詩札冊

林于宣太史澍  
藩與撝約同館

至契于宣沒撝約貽書寄詩慰  
其兄樾亭大令喬蔭冊藏林家

林孔生死交同掇辛卯第孔年甫及冠較林弱三歲

宣孔携約乾隆三十六年辛卯同入翰林于宣年二十三携約年二十觥觥公羊學一豁

何休蔽目林以荀韓見携約詩中不獨文字契同官五年耳

林乃先孔逝誄詞世爭傳詩語哀難制作書慰江津

先生嘗宰江津情至挾危涕能增朋友重不隔存亡世誰知後

十年閭車亦在砌愚壽天則賢兩賢嗟一例

于宣卒乾隆丙申年二十八後十年丙午携約卒年三十五

閨車在砌愚壽天賢皆携約誄詞中語

閩中讀書社作始朱石君林氏首二難吾祖張一軍

朱文正官福建糧驛道時拔時彥二十八人立讀書社林樾亭于宣兄弟與焉吾家則余高祖翼齋公高叔祖岱巖公九山公同懷兄弟三人咸與其列一時論讀書者必推梁氏洪惟九山公博學理放

紛治經不苟同於書尊古文同館友林孔上下猶龍雲  
時相或招之蔑視同秋蟲相戒不修刺權要誰我酬謝  
叟紀此事吾輩尊所聞謝枚如先生課餘續錄林于宣  
年二十三入詞館權貴豔其才  
欲羅致之與同里梁九山曲阜孔攜約相戒弗往  
當時此三友臭味蘭發薰及  
今誦詩札行誼真不羣

攜約工為文駢儷傳萬口作堂榜儀鄭意出戴姚右約

受經於東原惜抱 哦詩固餘事下筆初不苟於何覘性情夢中

來死友獨憐林太史身死書覆瓿南陔詩幾卷今日亦

徹帚後生忽前輩不解記誰某那知此兩賢讀書過歐

九薪傳火不盡楹書子能守鄉獻我粗詳題詩色先忸



聞于宣所著有南  
陔集余未之見

十二月十一日同寥士西湖泛舟

共子湖壖僦小舟每逢佳處輒淹留  
野梅待蕊寒猶勒宿雨初晴水更柔  
老去詩心似智井亂餘國命付兜鍪  
龍川兵略無人解暫拓心胸伴我游

爲寥士題單雲閣詩思圖

我窮殊孟郊心識孟郊苦秋衣卧單雲  
五字耐干咀子

今取名閣題榜見標舉豈惟守師說兼以固詩圍

寥士師馮

君木君木取東野詩語顏其閣子師回風翁未見我心許期子學孟郊

回風卽韓愈何時登此閣爲我具雞黍薰人鄭郭花打

髮眉閣詩卷坊

面慈湖雨願君焚筆硯未信官能腐好詩空抱山東野句

請君味斯語

何梅生七十生日

本州山寺與湖船記共論詩四十年得壽政緣生活淡

逃名差覺性情便襟懷畫趣兼琴趣心迹梅邊更水邊

今日迎春還祀竈試栽花竹養風烟君生日為十二月二十三日今歲適

立春也

題韓蘄王翠微亭題名搨本文曰紹興十二年清涼居士韓世忠因過

靈隱登覽形勝得舊基建新亭榜名翠微以為游息之所待好事者三月五日男彥直書

國亂無是非誅夷到忠謇當年風波獄岳死韓則免池

州翠微亭永隔大小眼馬蹄趁明月勝地難再踐七修類稿

韋太后北歸至臨平因問何不見大小眼將軍耶人曰岳飛死獄矣遂怒帝欲出家又武穆池州翠微亭絕句

日好水好山看不盡韓王念之痛隔歲淚猶泫築亭近馬蹄催趁月明歸

靈鷲仍榜翠微扁紹興十五年冬岳武穆被禍忠武則逍遙湖上明年三月建翠微亭孫宇

台靈隱寺志謂岳武穆於池州建翠微亭忠武仍其名蓋隱痛之也憂時兼歎逝題記語

殊簡詭稱待游息意深嗟世淺磨厓彥直筆佳兒異豚

犬六齡工擘窠九重器瑚璉史稱忠武子彥直彥質彥古皆以才見用又彥直年

六歲時即能爲擘窠傳家眉山山法典重非熟軟至今潭書嘗上殿拜御賜

國書舊宮寶殘繭忠武以紹興十二年封潭國公清宮舊藏忠武書札筆法似蘇長公戰

瘢餘四指柔翰無由展豈類劉安成捉刀恃姝變忠武以累

戰負傷兩手僅餘四指又劉光世與岳武穆張魏公題  
名嚴州烏石寺劉不能書命侍兒意真代之姜堯章有  
詩曰劉郎可是疎文墨幾點  
胭脂澆綠苔見鶴林玉露  
填胸南渡哀逝將剔碑蘇

次和黃哲維醉司命日立春

媚竈聲中試早春紛紛祈報爾何人鏡簾乍啟吾知老  
壁畫無多客笑貧驅使勞生惟火宅迴旋大地有風輪  
莫憎多口傷微抱及取花時岸醉巾

寄陳伯冶衢州

慮囚敲句日安排不是誠齋定簡齋足繭千山官可隱  
眼高四海世難諧瓜如君面知詩削鋪伴吾身任客埋

早晚烏巖報春及會從公後辦芒鞋

吳湖帆潘靜淑夫婦合臨趙管竹石卷子

眼中趙管並吳儂高韻雙雙寄籜龍不是石邊生稚子

誰知春色近來濃

孫退谷藏管夫人畫竹自題云春意近來濃幾許森森稚子石邊生

偕隱原殊翠袖寒行窩應署報平安

唐晉陽童子寺有竹日報平安羅

方妙繪王曹筆迸入檀欒竹數竿

胸有湖州意自高醜籜深處坐人豪一燈自證鐵鉤鎖

雙管同參金錯刀

丙子除夕

解凍風來不折縣等閒冷煖總由天了知明日猶今日



莫間增年與減年不飲屠蘇吾亦老盡工博弈世眞賢  
鄰家守歲終何得自愛書燈未肯眠

爰居閣詩卷十

長樂梁鴻志衆異

古今體詩八十三首

丁丑元日次和伯夔

已下丁丑

積陰成此國宿雨入新年  
老已微雙鬢貧猶辦一筵春  
聲人動後好夢我生前  
我生二字連讀相斫今何世看花意自  
賢

伯治再和余排鞋韻詩見寄並屬點定近詩次答  
我輩拚爲俗所排期君同守洗心齋  
九儒十丐定何等  
五角六張宜不諧身退更無江可誓  
憂來寧有地能埋

影頤詩卷驚寒眼眞似豪家一屋鞋

伯治書約山遊三用排鞋均見簡次答

我無薄技任推排念子勞勞治事齋賸有看山宜性分  
會將呼酒共嘲諧干波寫月心相印一榻圍書骨自埋  
準擬巖栖換儒服莫嫌僧帽道人鞋

人日同瓶齋偉侯茗坐晚飲市樓瓶齋有次春巾  
韻詩次畬

歌聲回暖茗盃春人日相從閬市人前度劉郎今更老  
一寒范叔未言貧紛紛夜鵲枝三匝惘惘高樓月半輪  
却笑東陵種瓜者不拋詩卷戀儒巾

偉侯新  
刻詩稿

正月十五日蘇州可園吳郡文獻展覽會園中梅花盛開晚赴潘博山彭恭甫陳子清飲集夜歸

上海

可園春鎖萬花光中有邦人寶墨香  
要使神州重吳會卽論餘事亦仇唐  
故家舊德矜三子元夜朋歡共一觴  
歸去淞西殘夢在錯疑燈火是金閨

蘇州雜詩

清風明月無今古野水荒灣有廢興  
誰爲斯亭張故實

吳人應識雨中丞

清代修復滄浪亭者前有宋牧仲其後則退庵公

藝事支流觚不觚直將名勝付生徒  
壁間石畫垂垂泐

五百名賢七友圖

滄浪亭今爲美術學校五百名賢象及七友圖皆退庵公所度漸就剝毀

一泓深碧吳王井三丈豐碑宋將塋文字無靈儒亦賤

我來惟弔畢湘衡

靈巖山館今僅存遺址

靈巖來熟野人知一塔孤標我所師不信蛾眉會傾國

未須指點說西施

西施洞

能慰吾情不在奢冷香閣外一枝斜風神絕世誰能賞

爭說銅坑十里花

冷香閣梅有一樹已花者

劍池名筆出君謨此事流傳仗石湖一樣生公講臺篆

更無人識邵龍圖

劍池仞爲顏書生公講臺仞爲李少溫書皆世人相承之誤

作此與衆異磚蔡寒瓊所藏也頃拓磚文作花觚



其室人談月色作折枝梅花寒瓊補石郵以寄

余賦謝

已孤不更名表德可自爲旣冠有此字義取觚之奇馬  
牛任客呼毀譽兩不知何嘗欲違人人乃嫉視之逃虛  
冀遠謗謗至名不隨逝將易名姓如我先運期云何粵  
王城斷壁出廢基居然範我字此字誰能私還庵拓以  
來日寒瓊所遺因知寒瓊名三載縈我思今朝開郵書  
畫燈梅一枝以何作花觚衆異磚在斯又聞畫梅手與  
梅同令姿題名日月色我憶堯章詞寒瓊爲補石石醜  
梅傲傲劇憐衆異磚植立不敢歆思量化磚身百害無

一宜作臂畏陶運作硯防米持卽令眞作瓶危哉居井  
眉不然拓其字亦恐疲氈椎不如返厥初淳樸無文辭  
塊然一廢臂誰賞沒字碑何苦範我字拓本常紛披當  
前作談助後世知者誰寒瓊今達人信我言不欺因君  
謝月色並誦吾之詩

伯治招同拔可劍知爲江郎山之遊至衢州簡伯  
治

陳君淫於詩遊事以詩約招要我輩人媚此山中石臨  
安復太末計程千里積夜半始停車迎者久出郭張燈  
導前路娛賓少遺策衾幃恣息偃羹酒供咀嚼喜心發

君面客至如有獲李沈拔可劍知疲津梁慰意顏轉澤說詩  
兼說山高語動寒碧莫使詞卒疑法曹來惡客

雨中同伯治拔可劍知游江郎山次前韻

吾儕誠好遊衝雨相要約不辭千里程爲此三片石天  
公巧相戲雲氣晚逾積何曾窺面目已自見輪郭看山  
如讀書但取二三策莫求買榮益要勝屠門嚼衡峯與  
海市俗眼亦偶獲韓蘇窮且老豈足動山澤歸途屢回  
首忽現三峯碧一笑答山靈百年無此客

明日仍雨王超凡約遊爛柯山午飲山寺再次前

韻

晨興作急裝縣侯有夙約相攜渡澱水共踏柯山石  
筵張午飲山雨滿香積石梁卧雲際隱隱見城郭昔人  
爛柯地木老風策策短世類橫陳從來蠟難嚼吾生幾  
棋局棋罷何所獲多少旁觀人臧否紛塗澤惟將詩眼  
青慰此頑山碧歸路定轟傳縣侯享吟客

超凡方  
長衢縣

將去衢州與葉左文陳伯治爲竟夜談既別於南  
郊伯治復送至婺州三次前韻寄左文伯治

尋山類求友默契焉用約眼中葉與陳是我他山石深  
談苦難竟離思倏如積相看到明發執別出南郭吾衰  
學不進駑馬待人策葉侯腹中書供我幾生嚼陳君詩

律細佞宋知有獲何須問我法空門覓薌澤感君百程  
送別去千山碧補睡坐車窗知君念歸客

移家杭州李佩秋袁異初陳寥士各贈浣青均七  
律二章次均奉答

盡攜稚弱客西泠稅屋看山意自冥略取所懷盟止水  
漸空諸障愛疎櫺杜陵最喜來今兩方朔誰知是歲星  
慚愧羣公寵衰朽故將詩眼向人青

佩秋以先德手書九通目錄屬題書蓋失而復得  
者

媚學無前古鉤元過史官三長在曾次乙部此毛端想



見亡書痛應知返壁難納楹今有託留與子孫看

譚瓶齋屬題李西涯自書致仕詩卷

西涯解朝衣取譬魚避鉤

詩中有避鉤遊魚不上磯句

隱忍不輕去

何愧謝與劉劇憐陸滄浪妄作春草謳賢相終潔身更

誰諫宸遊平生輕俗書每以齷齪羞

西涯石鼓詩我生學篆希前蹤下視

俗書羞齷齪

此書本篆法繞指非真柔當時重刻工閭郝無

其傳

西涯評書每及於刻閭傑郝升皆西涯所推許刻工也

期君自鉤勒上石垂

千秋舊京幾兵塵西郭餘一邱緬懷澆墓人實此追前

修

先德文勤公官京師時率鄉人歲掃西涯之墓

君書進不已終與西涯侔他

年論筆勢前後茶陵州

遊虎跑泉讀壁間東坡詩刻旬日已三至矣

得閒不因病此心能自安世難非易平飲水未遽難南  
山十里程旬日三往還山泉識我意清極生微寒向來  
貪讀書吻燥更已闕惜無一勺水淨我肺與肝東坡眞  
解人未肯腐一官偶來恣瓢飲新睡依風軒壁間數行  
詩飽墨飛龍鸞諦觀得澄慮心井不起瀾取水幾軍持  
新茗紛作團煮茶勝煨芋吾已謝懶殘

贈袁異初

湖上高齋禮闕郵

異初齋名

聽君呼酒說杭州久聞幼度師

安石每對東坡憶子由

伯夔方客舊京

舊澤在民公豈弟新詩

爲壽客風流諸姬婉變工娛老未用三刀與八騶

題湯定之爲袁伯夔畫梅

覆庵真似林君復十載鯨居葦竟牀惟有湯髯知此意  
折枝先寫返魂香

好嚼深盃厭醉泥喜看梅幅怕題詩世間萬事乘除盡  
我似觀雛一小兒

觀雛小兒又愛又怕語本劉後村

同巽初佩秋靖陶寥士橫河橋觀玉玲瓏石遂至  
白洋池追懷龔蘅圃侍御

龔先昔盛年曾卜橫河宅園林備諸勝最此玲瓏石一  
峯閱千載親見天水碧主人亦好事取以顏其閣休官

不自飽賣屋豈容惜於今屢易主猶寶雷塘額

嘉慶中阮文達

補書閣

榜尚存竹垞詞固雋樊榭記尤覈獨疑香巖詩今語待

持擇

竹垞寄衛圃摸魚兒詞首言玉玲瓏閣之勝樊榭東城雜記亦備述之惟沈香巖語近夸誕實則高

僅逾丈耳

移家迫晚歲遂止田橋側田居看紅藕於此歛吟

魄序詩傷二老後死得初白

白洋池在田家橋側號小水晶宮見四朝聞見錄衛

圃晚歸武林築室白洋池自號田居以近田家橋也片居臨水故又有紅藕莊之號查初白康熙五十六年丁酉赴羊城道出武林衛圃袖詩屬爲之序明年查歸衛圃已逝是戊戌年終於白洋池二老謂竹垞衛圃詳見查初白田居詩序吾輩鎮懷賢荒池黯將夕

### 慧雲寺

平生心折張南湖似俠非俠儒非儒壯年捨居作東寺

了知西宅爲蘧廬南隣湖水萃風月取以自號眞吾徒  
北園玉照接桂隱其下四百梅花株我來距昔未千載  
但見野水環浮屠乃知園宅易榛莽賸有梵剎無墜汙  
入門讀碣辨歲月錫名遠在光宗初淳熙丙午南湖年  
三十四卽捨宅爲  
寺紹熙元年庚戌祇今堂榜襲玉照誰問竹所參眞如  
賜名廣壽慧雲寺玉照堂舊在北園非東寺也今寺中玉照堂襲其名已  
非故址寺中舊有靜高堂眞如軒軒前種竹今無考

記公貌癯詩更癯今見像設顏殊腴寒眉深目了無似  
誠齋之說寧欺吾

楊誠齋謂南湖深目顰蹙寒眉又謂  
詩之癯甚於貌之癯見南湖集序

與人家國近好事開禧嘉定誰賢愚韓誅史橫放翁死

自定詩卷傷晚途

南湖自定其詩在嘉定三年庚午時  
年五十有八放翁卽以其年逝世



象臺一謫不復返嶺南流落同髯蘇光明藏中偶遊戲

本無差別何榮枯

南湖集中有言光明藏中孰非遊戲若心常清靜離諸取著於有差別境

中而能入無差別定則姪坊酒肆遍歷道場鼓樂音聲皆談般若

我生衰宗具寒相美

此都邑來寄居家風賃廡世所笑無宅可捨愁催租牡

丹花時一瓶供時亦媵以香一爐何曾夢見作高會歌

塵香霧羅吳姝惟餘一事漫比附強吟小詩聊自娛寺

門流水悟活法疑公詔我詩工夫

程松譏南湖將家子強吟小詩方回謂其

詩得楊誠齋活法

### 陳師曾銅畫拓本爲程穆庵題

師曾一世豪未老伴翁仲當時槐堂集事往不可控畫

銅如畫紙意到筆先縱云胡三物微乃比千金重穆庵  
具蠶蠟中有宿草痛將以貽後昆豈日備清供論交貴  
死友何用誓腹痛寶此永故人神來定吟諷

袁異初屬題雷峯塔經卷

南屏舊塔真高士閱世無言意自哀幻影不隨西子住  
孤標愁見越兵來

甲子年八月二十七日孫傳芳兵入杭州塔忽頽圯

相輪委地

知難轉梵夾騰空故未灰感舊傷今繡衣使獨持殘卷  
慰深盃

汪然明所刻柳如是尺牘及湖上草人間孤本也  
爲高野侯題

春星堂上日嬉春不與薜蘿作主人一卷瑤華寄東澗

操刀終勝謝三賓

事見鮑靖亭集注然明有春星堂集

異書來自舊山樓不負琴谿打漿遊鄒選十家今在否

難從竄叟問源流

鄒斯清選柳詩入詩叢十名家集見宮閨氏藉藝文考略此書爲徐子晉

所藏後歸舊山樓竄叟子晉字也

此亦千金不易書宋廬魚集較何如知君欲仿蕘翁例

待補薜蘿詩思圖

黃蕘圃藏宋刻魚玄機集稱千金不易本倩余秋室寫玄機秋思圖於卷

端近野侯亦摹得柳象

並時楊宛與王微聖解桃花或未知誰信閨襜通劍術

書棚難覓戊寅詩

柳如是戊寅草有劍術行最工今已無傳本矣桃花得氣美人中則湖上

草中警句也詩  
作于已卯年

冬月詩卷十

九

我聞室裏憶前期煙月愁端只自知多事逃禪楊絳子

靈鵲閣底唱新詞

此去柳花如夢裏向來煙月是愁端柳初嫁時我聞室春日詩也柳有妹

楊絳子嘗作高陽臺柳詞諷其姊適錢事

玉岑遺竈杳無聞葛嶺埋香尚有墳老我錢唐作流舊

卷端失喜見鄉親

汪然明葬玉岑山牧齋志墓今已無考楊雲友墓今在葛嶺麓卷首有林

雪一序雪閩中詩妓也

### 題袁異初禮閱郵齋詩稿

後村淪謫簡齋官一種梅詩有兩般莫爲種花傷往事

我將荆棘當花看

詩中以種花致諷當路

早歲文場起異軍，晚持詩句慰紅裙。  
人間醉尉多年少，誰識當時舊使君。

異初官杭嘉湖道時  
迄今已三十年矣

傅沅叔西涯校書圖

思誤真成適，關門自策勳。  
古歡生檢校，世事斷知聞。  
畫卷孫深柳，書城汪藝芸。  
藏園天下士，寧爲一官醺。

畫裏招提境，曾親繆藝風。

宣統間余識繆  
藝風於廣化寺

後來天祿客

仍宿梵王宮，佞宋今蕘圃。  
研經老紹弓，慈髮有書癖。  
新伴淡生翁。

論詩一首次答寥士

年少如君信不廉，吟成彈指現華嚴。  
東坡武庫矛兼戟，



道韞詩材絮勝鹽不用談龍露鱗爪要如食蟹辨團尖  
無聞無說真般若傳鐙錄尊者無說我乃無聞是真說般若驗取湖心月一  
盞

贈同年高野侯

卅年前共踏槐黃近接玄談已杖鄉朱厲風流此裙屐  
俞譚曲園復堂學說在巾箱閉門種菜求良貴小隱圍花愛  
晚香更與武林添掌故一尊相屬話梅王

朱椒堂侍郎青衫舊迹卷象甫屬題

晚近不諳科舉事拾芥功名動訾議豈知白屋換青衫  
府縣先經十數試三年兩度盼觀場予奪秀才憑學使

試時作賦兼治經參以正場雙制藝嚴搜懷挾禁交談  
不許授餐遑奏厠睨看學使儼天人侍以校官環以吏  
一朝榜發攢萬頭爭向榜中尋位次爲子用座位

人得雋才二三一領欄衫真不易賢書未薦試未終優

等秀才方食餼終年廩祿幾朱提題同橋已於異侍

郎入學始儀徵阮文達公繼者諸城劉文恭公意尤摯但憑稿本

便掄元早爲明年儲拔萃侍郎爲嘉慶六年辛酉選

翻舊迹已華顛細數前塵眞夢寐強書細楷補泥痕追

念恩門惟雪涕流傳此卷到孫曾舊典全非文掃地學

鮮卑語事貴人便擬盡焚倉頡字秘書但問體何如著

作登車能不墜滿潮烏鰂動萬千可與言人無一二孰  
爲劉阮世豈知告以乾嘉渾不記此文行作楔形觀我  
輩從教短檠棄

王式園快雪樓圖卷

築樓於斷橋之東顏曰快雪

段家橋畔此精廬塔影當窗客不孤恰似殘明馮祭酒

築堂度帖俯西湖

明馮開之祭酒築快雪堂於孤山以儲晉蹟

王郎曾次有天遊收取明湖十頃秋多恐人心好南渡

昇州迴顧又杭州

陳石遺先生挽詩

冠年入京校北面受諸學觥觥說經人視我獨嶽嶽斜

街盛花事招飲亦頻數朱生青芷每同遊公謂得一珏說  
詩如說法了義無追琢平生氣蓋世獨立意何卓謂公  
當百年誰信夢先覺地下滄趣翁積疑待揚權

並世不數人我里見尤罕誰能治樸學著眼到文苑公

兼惕園長每繩左海短死生眞細事吾恐書種斷國危

兵又起一去宜不返神遊定八極笙鶴借道管

蕭道管夫人先

卅年

卒 人生處禪蝨禮法困稽阮從遊三十年私憐聞道

晚

我詩嬾寄人詩話勤見搜時時譽無鹽益我引鏡羞公  
醉顏如花鉛槧老不休盃酒身後名於我胥浮漚迴思

歲辛亥社集從春遊存者今幾人諸老皆山邱詩魂往  
不復禊事誰更修願持徹泉淚併入家江流

聞歸未浹旬閱報驚不起彌留果何狀道遠無由揆心  
頭別時面神王語殊旨私慙論徵獻於我屈一指笥河

武夷主事誕義則史期公踵其後魂氣終不死

別時以朱笥河

爲武夷君事見詢且盛誇余熟清代掌故

哭寢今未能於義何敢諫作詩寫

吾哀同聲有黃李

哲維拔可

六月二十一夜對月

與汝偕亡我已知海波難洗此心悲舊曾未雨謀桑土  
今見休糧議竈炊萬事忍言兵動後一生難遣月殘時



可哀何止形神影大好山河待付誰

病中三絕句

時上海戰事已旬日矣

遮斷樓東戰火紅藥爐繩榻夕陽中  
卧聽奴輩談醫國  
笑煞西窗一病翁

萬竈灰飛骨作塵待張吾國苦吾民  
徙薪當日非無策  
愧爾焦頭爛額人

病中安枕轉無眠待曉求衣劇可憐  
一事未忘惟閱報

更誰知是福華編

事見宋  
碑類鈔

哭黃哲維

青山我獨往白首君同歸  
樂天哀王涯我亦銜此悲  
王

涯位宰相名盛禍亦隨秘書非達官何事而誅夷方君  
援琴頃正我行藥時聞報輒蹶起膚粟淚有縻不見才  
浹旬別日猶談詩秋燈照無睡詩面吾能思

媚學同所趨論政久殊鵠何嘗真我異曲折赴微祿卑  
位本易容食貧亦堪哭終焉殺其身使我立於獨纖兒  
家自壞寇至國屢蹙干卿果何事縛去就駢戮亂邦不  
可止惡名遂相黷死者而有知阿鷺嫁宜速

京師識君始我弱君未冠相知三十年見君遽及難君  
才十倍我海水無畔岸詩成衆皆眩珠玉雜錦段今年  
序吾詩儷語極褒讚君詩亦殺青身死事遂渙收稿等

收君什襲防散亂一士此哀音如國有京觀

君刻詩未成難作余

急收其稿藏之

生世亦寒素用財猶泥沙世議每見侵吾不汝疵瑕受  
金事有無一瞑萬口譁古來娶孤女婦翁恆見擗顧間  
對簿時牘背書如靡一死不相貸巢覆兒連翁收骨久  
無人國破遑問家城門眼雖驗愁見孀妻髻

次和龍榆生見贈時哲維新逝

有身可竄口能糊休向荒傖說遠謨佳客到門成默對  
新詩投我益長吁秦師縱拜三年賜晉市終無六日蘇  
歎世憂兵吾與子莫從覆局問贏輸

秋日雜詩八首

久謂將無幸誰知事已然解哀疑可勝不戰似差賢制  
挺吾何恃成城敵亦堅捷書偏反覆愁損昨宵眠  
渤海連雲暗淞波帶血流雨聲迴夜哭兵氣挾高秋國  
已成孤注吾今亦贅旒老來將壓懼閒澹愧沙鷗  
衆稚方高議強鄰早合圍唾壺人競碎羽扇敵爭揮已  
矣苻離集遼哉采石磯秦庭有華士早晚乞師歸  
曲突今何及燎原勢可憂所居依燧縫國命寄矛頭抗  
節城三版驚心骨一邱汝曹非愛死吾亦敬兜鍪  
殺氣彌江介秋旻晚更陰星流烽照暝雷動彈遺音仰

視憂天墜深居擬陸沉新涼吾敢愛戰士夜無衾  
往歲遼寧役崇朝陷百城未聞誅失律空自夢連衡蹴  
踏南來馬徘徊壁上兵東遷真失計今日憶周京  
戰火無情極吳兒骨作塵被兵千百戶連死兩三人盪  
寇知何日拋家苦不辰監門如解繪身亦一流民  
賃廡真成寄危巢亦苟全自矜家有壁誰信坐無氊枕  
上收京夢兵間泊宅編可能江戶岸閒艤漢樓船

哭女嘉

八月十六日腸病卒

制淚無言看蓋棺可知而母痛摧肝我今苟活身猶健  
家不能全國更殘父女廿年緣遽了彭殤一視事非難



蟲沙十萬皆新鬼何止孤雛骨未寒

龔懷西師命題吳甄甫制軍文錄陸亮丞侍講光

熙書牘合卷吳陸二公皆諡文節陸登甲辰科進士出師門下故以附吳牘後

黃州雪比尙書潔碧玉祠流翰林血死忠死孝人則難

六十年中兩文節吳文節卒咸豐甲寅陸文節卒宣統辛亥前後五十八年堵城覆

師激義憤正坐僉人相齟齬巡撫崇綸以人事君足不朽早

拔曾胡識忠烈吳文節典道光戊戌會試曾文正出其門撫浙時首荐秀水令江忠源及督湖

廣則檄調胡文忠率黔勇六百名援鄂是爲胡治軍之始晉陽甲起鈴閣中蕭山中

丞不可折覆巢幾見卯能完以身翼父同時絕陸文節與父文

烈公同殉山西之變吾師勸忠兼教孝眼見門生踵前哲遺箋摺

拾共裴池昔爲桃李今松柏我及公門三十載填海移  
山空內熱卷中佳士是祥金辟灌無成媿頑鐵

沈劍知爲余作畫四幀各題一絕

一簾花雨一谿煙便不聞歌也好眠今日淞濱盛烽火  
猛回頭已十三年

余舊有一簾花雨聽吳  
謳圖卷劍知復寫此景

舊京一夢廿年淹竹瘦梧疏石亦廉當日書堂渺何許  
老爲放士不名潛

掃葉風來已逆知衆人皆醉汝何悲看山舊是城門眼  
恐有無山可看時

畫境分明習苦齋疏林野水有誰來殘山一角君休畫

不似江南我亦哀

四幘皆師  
戴鹿牀者

雨中題聖情樓畫蜀葵

一枝紅豔挾霜清微覺傷心畫不成知有師傅異庸史

顧眉生與李今生

老見幽花眼更明色塵香影兩縱橫相望尙隔紅樓雨  
別是驚秋一段情

贈劉果齋

卅年京國共嬉春何限雙鬟看璧人漸損寶釵疑近道  
不疏珠履諱言貧振奇信有江山助得壽知於筆硯親  
今日爲君浮大白老來龍性尙難馴

贈宋公威

縣津文采荔裳詩曳杖江鄉信履綦繕性自傾中聖酒  
避兵閒看爛柯棋早拋史筆傷移國晚對書巢許樂飢  
君是傳衣老迦葉我生終愧甲辰雌甲辰年同被龔瞻  
麓師薦舉余獨不  
售

朱彊邨垂沒以校詞雙硯授龍榆生榆生名其居

曰受硯廬繪圖屬題

彊邨屈宋徒懷忠遘時變工詞特餘事終爲有清弁當  
時漚社集屈指凡幾面誰知老祭酒轉眼已露電龍君  
眞護法刊集布宇縣斷斷守師說與世要共見頗聞示

疾頃傳法初未倦至今無盡燈繫此一雙硯世衰師友  
薄道喪文字賤何時剝者復吾恐恃圖卷詞流盛南宋  
蹙國哀且戀推君受硯心居杭定思汴

許脩直西溪讀書圖

老來收取舊書聲淺畫成圖不忍名當日單衣頻試酒  
祇今喬木厭言兵早知大浸稽天至難遣深宵待旦情  
聞說梁谿鳴咽水正隨哀角鬧空城

段合肥沒期年矣過霞飛路故居感賦

幕府驚看變總帷我來剛值歲初期過門但下羊曇淚  
料敵今無謝傅棋身後山河全破碎眼中草木盡離披



陸渾眞作燎原火曲突當年有苦思

余每歲辛夷花時輒有詩獨今歲無之林二嬾爲  
畫辛夷小幀補題長句

宛宛江南雪色姿每緣春及賺吾詩相逢大海揚塵日  
是我看天忍淚時花意定隨人意澹玉情終比畫情疑  
平生綵筆今持贈半寫高花半寫眉

沈魯青丈平園頤養圖

宦情春夢久闌珊一豆何曾抵百贗老守飢腸吉州水  
晚途熨眼武康山樓臺平地初題榜兵火彌天靜掩關  
笑撚霜髭今八十世榮難換綵衣斑

姚虞琴營生壙於超山梅花深處繪圖徵詩

塘栖一水連杭城超山之勝佛所營西來天目幾盤營  
龍脉入地翳更明山中梅發我屢至寒香萬樹容意行  
行行輒及在翁墓暫止便去縈吾情姚侯夙與在翁友  
久要隣約終尋盟殷勤傍冢預穿壙圓石自署今邠卿  
世人諱惡動相駭誰識且暮猶死生姚侯慧眼辨歸宿  
恥與糞菌爭朝榮我居杭州僅三月強謂吾里顏有頽  
王官一谷可避寇受屢就子甘爲氓司空圖居王官谷  
預置冢棺寇盜所  
過齋粉獨不入谷中知圖賢  
如古王蠋也士夫依以避難

十二月五日袁伯夔譚瓶齋集同人爲何煖叟作

生日賦此兼示瓶齋

百卅九年如過鳥草堂無地覓東洲歲寒共此追初度  
世亂多君集勝流試就壁書求屋漏合依象設弄觥籌  
主人退筆山邱積終遣茶陵繼道州

瓶齋茶陵人

沈劍知悼亡商笙伯繪瓊花圖慰之以沈婦名瓊  
也題示劍知

瘦盡腰圍不肯辭卻將瑤恨寄瓊枝垂簾看畫無人地  
喫酒呼名忍淚時劫外丹青無去住雨中花樹有安危  
裝成障子張君壁刻骨傷心久更知

伯冶得子名之曰阿機紀其生時空軍正飛翔天

金屋開言卷一  
際也賦寄

書來知舉子聞以阿機名官事桔槔急詩情鷗鷺盟相  
期作飛將卽此試啼聲養勇君何畏興亡視後生

丁丑除夕

百年逢此夕國破我空存歲事將歸客朋歡已逝魂不  
眠非待旦縮手復何言寒徹流民骨吾慚一室溫

爰居閣詩卷十終









